



ЎЗБЕКИСТОН RESPUBLIKASI AXBOROT TEXNOLOGIYALARI VA
KOMMUNIKATSIYALARINI RIVOJLANTIRISH VAZIRLIGINING

BUYRUG' I

Муҳаммад ал-Хоразмий номидаги стипендияни таъсис этиш
тўғрисида

Ўзбекистон Республикаси Президентининг 2017 йил 15 мартдаги “Тошкент ахборот технологиялари университетининг фаолиятини янада такомиллаштириш чора-тадбирлари тўғрисида” ПҚ-2834-сон қарорида Муҳаммад ал-Хоразмий номидаги стипендияни таъсис этиш белгиланган.

Ўзбекистон Республикаси Президентининг 2017 йил 15 мартдаги ПҚ-2834-сон қарори ижросини таъминлаш мақсадида, **буюраман:**

1. Муҳаммад ал-Хоразмий номидаги Тошкент ахборот технологиялари университети талабалари учун Муҳаммад ал-Хоразмий номидаги стипендия таъсис этилсин ҳамда “Муҳаммад ал-Хоразмий номидаги стипендия ва уни тайинлаш тартиби тўғрисида”ги Низом иловага мувофиқ тасдиқлансин.

2. ТАТУ (Т.Тешабаев) ҳар йили 20 августга қадар кейинги ўқув йили учун Муҳаммад ал-Хоразмий номидаги стипендия сони ҳамда Муҳаммад ал-Хоразмий номидаги стипендияга номзодлар тўғрисидаги тақдимномани Университет Васийлик кенгашида кўриб чиқиш учун киритилишини таъминласин.

3. Мазкур буйруқнинг бажарилиши назоратини ўз зиммамда қолдираман.

Вазир в.б.

Ш. Шерматов

Toshkent sh.

2017 йил 10 08

404-son

Муҳаммад ал-Хоразмий номидаги стипендия ва уни тайинлаш тартиби тўғрисида

Низом

I. Умумий қондалар

1. Муҳаммад ал-Хоразмий номидаги стипендияси Ўзбекистон Республикаси Президентининг 2017 йил 15 мартдаги "Тошкент ахборот технологиялари университетининг фаолиятини янада такомиллаштириш чора-тадбирлари тўғрисида" ПҚ-2834-сон қарорига мувофиқ Муҳаммад ал-Хоразмий номидаги Тошкент ахборот технологиялари университети талабалари учун таъсис этилган.

2. Муҳаммад ал-Хоразмий номидаги стипендия Муҳаммад ал-Хоразмий номидаги Тошкент ахборот технологиялари университети ва унинг филиаллари (кейинги ўринларда- Университет)нинг бакалаврият бўйича ўқиётган иккинчи, учинчи ва тўртинчи курс ҳамда магистратура бўйича иккинчи курс талабаларига тайинланади.

II. Стипендияни белгилаш тартиби

3. 2017-2018 ўқув йили ва ундан кейинги ўқув йиллари учун Муҳаммад ал-Хоразмий номидаги стипендия сони ҳар йили 20 августга қадар Университет ректорининг тақдимномасига асосан Университетнинг Васийлик кенгаши томонидан белгиланади.

4. Муҳаммад ал-Хоразмий номидаги стипендия квотаси Университет томонидан таълим йўналишлари ва мутахассисликлар кесимида талабалар сонига мувофиқ тақсимланади. Бунда ҳар бир 500 нафар талабага 1 та квота ажратилади.

5. Университет иқтидорли талабалари учун Муҳаммад ал-Хоразмий номидаги стипендия Ўзбекистон Республикасида белгиланган энг кам иш ҳақининг 2,0 баробари миқдоридан белгиланади.

6. Муҳаммад ал-Хоразмий номидаги стипендия Университет талабаларининг ойлик стипендиясига қўшиб берилади.

7. Муҳаммад ал-Хоразмий номидаги стипендия Университет ҳузуридаги Илмий-инновацион ривожлантириш жамғармаси маблағлари ҳисобидан қопланади.

III. Номзодларга қўйиладиган талаблар

8. Муҳаммад ал-Хоразмий номидаги стипендияга ўқув жараёнида юқори рейтинг кўрсаткичига эга бўлган (ўқув йили якунига (иккала семестр натижаларига) кўра, фанлардан ўртача бали 86 ва ундан юқори балли ташкил этган ҳолда, барча фанлардан 71 баллдан юқори баҳо олган бўлиши зарур), жамоат ишларида фаол, ташаббускор ва интилувчан, ижтимоий ҳаётда фаол иштирок этаётган, республика ҳамда халқаро олимпиада (шунингдек, спорт мусобақалари) голиблари ва совриндорлари, АКТга оид илмий-тадқиқот, йирик дастурлар ва изланишларда иштирок этаётган ҳамда АКТга оид илмий мақолалар ёзган, дастурий ва техник ишланмалар яратган ва бу йўналишда фаол қатнашаётган Университет ва унинг филиаллари талабалари даъвогар бўлишлари мумкин.

9. Муҳаммад ал-Хоразмий номидаги стипендияга даъвогар номзодларнинг ҳужжатлари Университетнинг илмий Кенгашида ҳолисона, адолат тамойиллари асосида ҳар томонлама кўриб чиқилган ҳолда Кенгаш қарорига мувофиқ, Университет ректорининг тақдимномасида акс эттирилиши лозим.

IV. Стипендияга топшириладиган ҳужжатлар

10. Муҳаммад ал-Хоразмий номидаги стипендияга тақдим этилаётган номзодлар қуйидаги ҳужжатларни Университетнинг Маънавий-маърифий ишлар бўйича проректорига (*Университет филиалларида Маънавий маърифий ишлар бўйича директор ўринбосарига*) топширадилар:

номзоднинг рейтинг (синов) дафтарчасидан кўчирма;

талабгорнинг факультети (таълим йўналиши) деканати, кафедраси тавсияномаси;

тавсифнома (характеристика);

номзоднинг эришган ютуқлари, хизматларини тасдиқловчи ҳужжатлар нусхаси;

илмий конференция ва семинарларда иштирок этган маъруза тезислари, мақолалари, илмий журналларда чоп этилган илмий мақолалари нусхаси;

илмий ишлар нусхалари ва бошқа қўшимча маълумотлар.

Барча ҳужжатлар бир нусхада йиғма жилдга жойланиб тақдим этилади.

Йиғма жилд муқовасида ўқув муассасасининг номи, номзоднинг исми ва фамилияси, факультет/бўлим номи кўрсатилади.

V. Ҳужжатларни кўриб чиқиш тартиби

11. Муҳаммад ал-Хоразмий номидаги стипендияга номзодларнинг ҳужжатлари ҳар йили 1 июнга қадар Университетнинг Маънавий –маърифий ишлар бўйича проректори (Университет филиалларида Маънавий маърифий ишлар бўйича директор ўринбосари) томонидан кўриб чиқилади ва Университетнинг илмий Кенгашига киритилади.

12. Университетнинг илмий Кенгаши томонидан Муҳаммад ал-Хоразмий номидаги стипендияга номзодларнинг ҳужжатлари июнь ойи кенгашида кўриб чиқилади ва қарор қабул қилинади.

Номзодларни кўриб чиқишда устуворлик ўқишни аъло баҳоларга ўзлаштираётган, юқори рейтинг кўрсаткичига эга бўлган (*ўқув йили якунига (иккила семестр натижаларига) кўра фанлардан ўртача бали 86 ва ундан юқори балли ташиқил этган ҳолда, барча фанлардан 71 баллдан юқори баҳо олган бўлиши зарур*), жамоат ишларида фаол, ташаббускор ва интилувчан, ижтимоий ҳаётда фаол иштирок этаётган, республика ҳамда ҳалқаро олимпиада (*шунингдек, спорт мусобақалари*) ғолиблари ва совриндорлари, АКТга оид илмий-тадқиқот, йирик дастурлар ва изланишларда иштирок этаётган талабаларга берилади.

13. Университет илмий Кенгашининг Муҳаммад ал-Хоразмий номидаги стипендияга номзодлар тўғрисидаги қарори Университет ректорининг тақдимномасини тайёрлаш учун асос бўлиб хизмат қилади. Университет ректори Муҳаммад ал-Хоразмий номидаги стипендияга номзодлар тўғрисидаги тақдимномани Университет Васийлик кенгашида кўриб чиқиш учун ҳар йили 20 августгача киритиши лозим.

Университет Васийлик кенгашида стипендия тайинлаш ҳақидаги тақдимномани йилига бир марта кўриб чиқилади. Кўриб чиқиш муддати – 10-31 август.

14. Университет Васийлик кенгаши Муҳаммад ал-Хоразмий номидаги стипендияга номзодларни кўриб чиқади ва тегишли қарор қабул қилади.

Университет Васийлик кенгашининг Муҳаммад ал-Хоразмий номидаги стипендияга номзодларни тайинлаш тўғрисидаги қарори тасдиқланади ва бир ўқув йили учун тайинланади.

Бир ўқув йили мазкур тартибга кўра, бир календарь йилининг сентябрь ойдан бошлаб, кейинги календарь йилининг июнь ойига қадар 10 ой деб белгиланади.

15. Муҳаммад ал-Хоразмий номидаги стипендия тайинланган талаба Университет илмий кенгашининг йиғилишида тантанали равишда эълон қилинади.

VI. Яқуний қоидалар

16. Муҳаммад ал-Хоразмий номидаги стипендия тайинланган талаба кундалик дарсларни ўзлаштиришда қоқоқликка йўл қўйганда, ўқув интизоми ва одоб-ахлоқни бузган ҳолатларда Университет илмий кенгашининг мурожаатига кўра, Университет Васийлик кенгаши томонидан стипендия берилиши тўхтатилади.

17. Талабаларнинг Муҳаммад ал-Хоразмий номидаги стипендияни тайинлаш бўйича ариза ва шикоятлари қонун ҳужжатларида белгиланган тартибда кўриб чиқилади.